




Յատակագիծ կարող. Անյո. — Plan de la Cathédrale.

չափ խաչ արծաթեայ՝ պահպան քաղաքին. իբրև 'ի 20 ամաց հետե կործանեալ է գմբէթս. այլ ամենայն մասունք եկեղեցւոյն կանգուն կան, վայելագեղ կիսաբոլոր և տասնախորշ խորանան, և կրկնայարկ մատրամբ կամ աւանդատմբ յալմէ և յահեկէ, և երեւք դրամբք. 'ի վերայ հարաւայնոյն կայ արծաճափը յիշատակի դշուրին կառուցողի և Սարգսի կաթողիկոսի, և յերկ' ժամացոյց արևանիչ հայկական տառիւք ժամատրոհեալ. և այլ բազում արձանադրութիւնք, զորս ծանր համարիմք աստ յիշատակէ:

Յարեւելից կուսէ կաթողիկէիս իբրև 500' հեռի կայ աւերակ եկեղեցի Տիրամոր կամ Թերևս սրբոյն հռիփսիմեայ, զոր մերձ 'ի կաթողիկէն ասեն լինել պատմիչք. յելից հարաւոյ սոցա կանգուն կայ հոյակապ բոլորչե եկեղեցի Փրկչն, որ 'ի ներքուստ կողմանէ յուծ կիսաբոլորս արոհեալ է, սիւն 'ի մէջ բաժանմանցն ունեւորվ, յորոց վերոյ ամփոփեալ ձե-

ղուանն բառնայ զմանեկաձև բոլորեալ գմբէթն սրածայր, 12 շուրջ պատուհանօք, յորոց միջոցս երևին նկարէն պատկերք աղաւաղեալք. 40' են տրամագրծի տաճարիս, և ամբիոն մի քաղաքայ'ի վերայ հարաւայնի գրանն սանդխովք յորմամիջին ելանելի անդր, և անտի 'ի վեր ցառաստաղն: Ապլլարիպ հօրեղբայր Գրիգորի Մագիստրոսի շինող է տաճարիս յամին 1037: — 'Նման սմին՝ այլ փոքրկազոյն եկեղեցի ուծանկիւնի կայ և յարևմտակողմն քաղաքին մերձ 'ի միջնաբերդն իբր 28' տրամագրծաւ, և 14 պատուհանօք գրմբէթին, պարզ 'ի ներքուստ, ամենազարդ արապուստ: — Կայ և այլ եկեղեցի 12-անկիւնի արտաքուստ և վեցաբոլորակ 'ի ներքուստ 38' տրամագծաւ, յարևմտակողմն առ պարսպօք քաղաքին որ հայի 'ի Չորն Ծաղկոցաց: — Առ քարափամբ նորին ձորոյ 'ի հիւսիսոյ արքունեացն կայ վայելաձև և անաղարտ մնացեալ եկեղեցին Ս. Գրիգոր 'ի բարձրագիտակ վայրի, շինեալ յամին 995 'ի Գրիգորէ որդւոյ Ապուղամրի, կամօք Գագկայ Ա: — Յարեւելից նորին ընդ մէջ անձկագոյն մասին քաղաքին և կրկին ձորոցն Ախուրեան և Ծաղկոցաց՝ կան սիրաւի նըշխարք երկուց կործանեալ մատանց. — հուպ և կից նոցին՝ Առաքելի եկեղեցին. սաքաշէն է սա ձեղուամբ և ոչ գմբէթաւոր, և խորան նորա ոչ բեմիւ:

Պատուցեալ 'ի բարձու, այլ 'ի յատակի, խուռն և խիտ քանդակօք 'ի ներքոյ և արտաքոյ, շինեալ ոչ յետ 1033 թուականի: Վայելագունի ևս եկեղեցւոյ սա կաւ նշխարք ճարտարագործք մերձ կան յԱռաքեալն: — Յելից հարաւոյ սոցա մերձագոյն 'ի քարափն դետոյն կայ Լաստիւրէ մենաստանն աւերեալ, և եկեղեցին կանգուն և նորափայլ քան զայն, զի և յետ յիշեցոյց շինեալ է յամին 1215, երկայնաձև խաչաձև իմն և գմբէթաւոր, բաղմապատիկ դրուագօք և միւսիոն զարդօք և պատկերօք, վասն որոյ և 'Նագրուէի՝ կոչի, և Թուի 'ի Յունաց նկարագործեալ, քանզի և յունական արձանագիրք և վրացիք դասնին 'ի նմա. բայց յառաջ շինեալ էր անդ այլ եկեղեցի Մագիստրոս Ապուստոլի կոչեցեալ ըստ ձանագրին: Ընդ եկեղեցեալս այսուիկ է դուռն միտից գետադնաց ուղւոյն՝ զոր յիշեցաք 'ի վերոյ: Իսկ յարեւելից կուսէ ձգի սալայատակ և կամարակապ ձա-